

wol nu zu der selbigen zeit seyn lehr vnd außlegung der gschrift
u. s. w. u. s. w.

Der Schluß Bl. 75^b lautet:

Do her etliche die kynder nit tauffen wellen, etlich ein sonder forme des tauffs erdacht, Etlich die erbsunde vorlouchenet, Etlich in anfang nach luthers lehr das sacrament in beyder gestalt empfangen, die selbigen itzt [*itzt' ausgestrichen und von der Hand Fabri's fortgefahren:*] aber nachfolgends vnd gar bald. [*Hier bricht das Ganze ab.*]

Leipzig, Ostern 1890.

7.

Ungedruckte Briefe an Melanchthon.

Mitgeteilt

von

Dr. Karl Hartfelder

in Heidelberg.

Einer der größten Mängel der sonst so wertvollen ersten zehn Bände des Corpus Reformatorum wird es bleiben, daß nicht prinzipiell alle Briefe an Melanchthon aufgenommen wurden. Allerdings würde dadurch die Zahl der Bände mit den Korrespondenzen Melanchthon's beträchtlich vermehrt worden sein, aber die Sammlung der sämtlichen Briefe an Melanchthon würde uns seinen Briefwechsel bedeutend aufhellen. Einen kleinen Beitrag zur Ausfüllung dieser Lücke genannter Publikation bilden die unten folgenden Briefe, die meines Wissens hier zum erstenmal im Druck erscheinen. Sie enthalten Aufschlüsse über die verschiedensten Personen und Dinge von 1531—1557. Die Vorlagen derselben gehören sämtlich jener wertvollen und bändereichen Sammlung der Camerarii an, welche einen Hauptschatz der Handschriftensammlung der Münchener Hof- und Staatsbibliothek bil-

den, und über deren zum Teil bedauernswerte Schicksale Halm gehandelt hat¹. Den Beamten genannter Bibliothek sage ich an dieser Stelle meinen besten Dank für die gütigst gewährte Erlaubnis der Benutzung dieser wertvollen Manuskripte.

~~~~~

Zeit. 29. August 1531.

Julius Pflug an Melanchthon<sup>2</sup>.

S. P. D. Cum Jacobus Tham<sup>3</sup> sacerdos nunciarit se istuc reversurum, sine meis ad te literis eum abire nolui, praesertim cum ad officium, quod tribuendum erat amicitiae nostrae, accederet etiam, quod ex te scire mea interesset. Res autem haec est: magno me antehac desyderio eius diei, cum sublata de religione controversia concors esset et bonus ecclesiae status, arsisse ipse, quicum saepe ea de re Augustae locutus sum, testis esse potes. Quem dierum si unquam videro, nae ego me uberem vitae huius fructum coepisse<sup>4</sup> arbitrabor. Itaque quociens mihi in mentem venit actorum Augustensium, et doleo sane et ipse me consolor. Doleo, quod concordia, a qua non ita longe aberatis, e manibus, nescio quo, elapsa sit. Consolor autem spe certa, cum ad eadem acta animum referens sencio leviora esse ea, de quibus disceptabitur quam quibus de Augustae quodammodo transactum est. Ac cum spes concordiae, cuius tam praeclara iacta sunt fundamenta, necdum adempta sit omnino, peto, me certiozem ut facias, quatenam sint ea, in quibus adhuc controversia potissimum resideat. Et quamquam ad apologiam<sup>5</sup> me

---

1) Über die handschriftliche Sammlung der Camerarii und ihre Schicksale (Sitzungsberichte d. bayer. Akademie der Wissenschaften. Philos.-hist. Kl. Bd. III, Jahrg. 1873, S. 241—272).

2) Zwei Briefe Melanchthon's an Pflug, aber aus späterer Zeit (1548 und 1550) stehen Corp. Ref. VII, 171, 627, zwei Briefe Pflug's an Melanchthon Corp. Ref. IV, 460; VII, 148. Ein Gedicht Melanchthon's an Pflug Corp. Ref. X, 501, nr. 49.

3) Ein gewisser Valentinus Tham hat in Torgau den evangelischen Gottesdienst 1519 eingeführt. Vgl. Mencken, Script. rer. German. II, 583. Über einen Dominikaner Franciscus Tham, vgl. G. Kawerau, Joh. Agricola von Eisleben (Berlin 1881), S. 24. Ob dieselben Verwandte unseres Jakobus Tham gewesen, weiß ich nicht zu sagen.

4) Jetzige Schreibung ist cepisse.

5) Es ist die von Melanchthon verfaßte Apologia Confessionis Augustanae gemeint, worüber Corp. Ref. XXVII, 245 und C. Schmidt, Ph. Melanchthon, S. 239 zu vergleichen ist.

tuam reicere potes, tamen, quia fere fit, ut ex scripto sedato facilius statuere liceat quam contentioso, desydero epistolam aliquam tuam eamque brevem, ut ne tibi homini minime ocioso nimium oneris imponam. Quare sic habeto, si hoc beneficium mihi datum fuerit abs te, id mihi fore tam gratum quam quod gratissimum, et cum ipse aut nihil omnino aut parum possim in ratione constituendae ecclesiae, tamen si cognovero, quinam sit rerum status, spes mihi ea fortasse ostendebat, ut ipsa cogitatione animum meum recreare possim. Jacobum Tham, hominem integrum sane et cupidissimum cum tui tum literarum, tibi commendo. Vale.

Citii IIII Cal. Septembr. anno XXXI.

Julius Pflug  
praepositus.

Adresse: Doctissimo viro, Philippo Melanchthoni (sic), amico suo charissimo.

Orig. Nr. 11 in Bd. VIII der Sammlung der Camerarii zu München.

Meißen. 4. Juni 1538.

Julius Pflug an Melanchthon.

S. P. D. Quod mihi misisti librum et literas Joachimi Camerarii, magno tuo beneficio affectus sum. Fuerit igitur officii mei, ut gratias tibi referam, quibuscumque vobis possim. Ac mihi quidem Joachimi ipsius studium iudiciumque vehementer probantur. Quo maiorem e libro eius voluptatem caepi. Cum praesertim idem ipse provocet me ad amicitiam, quae inter nos superioribus annis constituta est, colendam. Quod mihi profecto tam gratum est quam quod gratissimum.

Tuos, mi Philippe, de ecclesia sensus ad moderationem proclivos iamdudum satis perspexi. Vellem igitur, qui sunt cum potestate, audirent salutare bonorum voces. Quod si contingeret, haberemus sane statum ecclesiae, si non omnino optimum, tamen satis bonum. Quod si concilium medicinam faceret rebus languentibus, esset profecto, quamobrem Deo immortalis maximas gratias ageremus. Sed hoc mihi unum in optatis est maxime, ut boni prudentesque viri eo incumbant, ut non tam alienae quam suae partis vulnera tractent curentque, ut sublatis, si quae sunt in utraque parte, vitiis, causae offensarum atque dissidii tollantur, qua etiam ipsa ut in gratiam restitui facile possemus. Nam dum nobis indulgemus, aliena autem tantum insectamur, non tam Ecclesiae consulimus, quam inimicitias in ea alimus, et

quicquid ab alteris proficiscitur, id alteris est suspectum, id quod vetat ea nos capere consilia, quibus viva ac salutaris Ecclesiae concordia constitui possit. Sed de hac re considerabunt ii, qui valent cum prudentia, tum vero etiam autoritate; ego vero etsi sentio, quod possum, esse perexiguum, tamen in eiusmodi cogitationibus crebro libenterque versor, easque cum magnis viris saepe communico. Quod si impetravero, quod volo, magnum sane offitii mei fructum caepero, sin minus, consolabor tamen me ipsa recta voluntate. Confido enim deum nostrum conatum hunc meum approbare. Hic nisi nota mihi essent iudicia tua, hortarer te, ut idem faceres. Sed quia videris exhortationi nostrae nullum relinquere locum, longior esse nolo. Vale, meque, ut facis, ama.

Misna pridie Non. Junii anno MDXXXVIII.

T. Julius Pflug dr.

Dedi ad Joachimum nostrum literas bene longas, quas Bernhardus Hebraeus a me accepit.

Adresse: Magnifico rectori atque viro clarissimo doctissimoque d. Philippo Melanchthoni (sic), domino et amico suo cum primis observando.

Orig. Nr. 11 in Bd. VIII der Sammlung der Camerarii zu München.

Eperies. 8. Dezember 1543.

Andreas Batizius an Melanchthon.

Gratiam et pacem liberatoris nostri Jesu Christi, qui veram humanitatem diu conservet ecclesiae suae sanctae. Amen.

Etsi indignum iudico, humanissime ac in aeternum venerande domine praeceptor, meas indoctas ad te dare literas, tamen cum mihi discedenti a te diligentissime sit commissum, ut quicquid novarum rerum de turcica tyrannide audiero, diligenter ad te persciberem, coactus sum vel invitus has meas sordes ad te mittere. Itaque statim, ut perveni ad limites Hungariae, intellexi a bono quodam viro christianos fratres, qui iam synceriori religione imbuti sub turca sunt, adhuc in pace vivere. Deinde a confinibus quinque ecclesiarum<sup>1</sup> venisse aliquot scolasticos ad partes Hungariae superioris caussa descendae religionis eosque ex voluntate

---

1) Wahrscheinlich Übersetzung für Fünfkirchen, ungar. Pécs, Hauptstadt des ungarischen Komitats Baranya.

turcici Imperatoris a Bassa, praefecto Budensi<sup>1</sup>, habere literas, ut libere possint venire ad studia literarum et, cum voluerint, iterum ad suos redire. Nunc dicunt in oppido Szanto<sup>2</sup>, post annum, ut audio, rursus redituri. Ad haec intellig(o)<sup>3</sup> praedictum Bassam nostram religionem magis approbare quam Papistarum. Nam cum sacrificuli Baal non procul ab oppido Tasz Bólén<sup>4</sup> bonum quendam concionatorem quasi haeticum et conturbantem religionem Papisti(cam) detulissent, praefectus noluit eos audire, quamvis ingencia dona ex auro et argento illi offerentes, nisi eciam coram adveniret is, quem detulerant. Cum igitur hic coram Bassa constitisset, interroga(vit), quare conturbaret religiones? Respondit se non religionem conturbasse, sed errores reprehendisse, videlicet sanctos mortuos non invocandos esse, sed solum unicum aeternum ac verum deum, deinde imagines eiiciendas esse e templis, quod nihil aliud sint quam signa et portent(a) idolorum, tercio ignavos et ociosos sacerdotes, qui non docent tan(quam) fucos ab alvearibus removendos esse ab officio. Haec quia sunt magis subiecta rationi humanae, Turca approbavit. Sed non puto eum laturum fuisse, si quicquam aliud addidisset de divinitate filii dei et de redempcione per ipsum parta, quam dicuntur mirabiliter abhorreere et detestari tanquam rem absurdissimam, quod impossibile sit immortalem immortalis dei filium pati posse etc. Quamvis autem deriserit Papistarum religiones, atamen propter munera permisit illos ad sua redire, quibuscum etiam concionatorem sine impedimento remisit. Caeterum dederat quibusdam mercatoribus de Tasz Bólén literas cum sigillo Turcici tyranni, quo possent cum suis mercibus ad Turcas et ad christianos sub Turca existentes libere venire. Cum autem mercatores pergerent in itinere, Turcae obviantes illis quendam ex mercatoribus abriperunt, qui eciam hodie ignoratur, quam perierit. Cum autem reliqui mercatores venissent ad praefectum, ut de illata iniuria et violata fide Turcici tyranni apud illum conquererentur, agnoverunt illos Turcas, qui iniuriam intulerant et unum eorum abriperant, et cum praefecto illos ostendissent, promisit illos statim capite plectendos esse, quod violarint literas Imperatorias. Igitur cum iam tempus plectendi advenisset, quidam captivi Hungari vestibus Turcarum, qui latrocinium perpetrarant, induti coram mercatoribus decollati sunt et ita isti

1) Budensis, Adj. zu Buda, ungarischer Namen für Ofen.

2) Es wird schwer zu entscheiden sein, welches von den zahlreichen Szanto in Ungarn gemeint ist.

3) Die eingeklammerten Buchstaben sind Konjektur, da sie in dem am Rande beschnittenen Manuskripte fehlen.

4) Vielleicht die Stadt Bölön in Siebenbürgen Kr. Udvarhely.

amaro animo dimissi. Igitur non est confidendum Turcicae promissioni, quia apud illos violare fidem pro nihilo habetur. Imo aiunt, si quis vel septies violaverit fidem, tamen ieiunio unius diei posse iterum reparari fidem, ac si semper integra inviolataque mansisset.

Haec habui, mi humanissime domine praeceptor, quae ad te scribere volui. Postrema cum a vestra dignitate discederem, dixi me meis fratribus aliquot aureos debere, quos, sit deo optimo maximo gratia, iam persolvere possum, quia intellexi magnificum quendam principem mihi misisse sedecim aureos, quos praestantissimus vir Georgius Vernerius<sup>1</sup> simul cum literis ad vestram dignitatem misit. Obsecro igitur te, venerande praeceptor, ne graveris illos meis debitoribus dividere, Blasio Bihori aureos 8, Josepho Pestino 3, Caspari Passtai 1, Christophoro Sram unum aureum cum medio talero, Demetrio Batizio unum aureum cum talero atque eciam, quicquid residui fuerit, eidem Demetrio dare. Ego istis rebus leviculis non libenter vellem tibi alioqui multis negotiorum undis occupato molestus esse, sed quia audiebam meas pecunias literis tuae humanitati inscriptis esse a domino Venero inclusas, igitur aliter facere non potui. Atque precor vestram dignitatem, ut hanc meam importunitatem aequiori animo ferat. Aeternus autem deus, pater domini nostri Jesu, te conservet simul cum tota familia et alma illa universitate ad gloriam nominis sui in multa secula. Amen.

Datae ex civitate Eperies in festo conceptionis Mariae anno domini 1543.

Andreas Batizius,  
tuorum discipulorum minimus.

Adresse: Divinarum pariter et humanarum literarum summo restauratori, domino Philippo Melanthoni, in alma universitate Vitaeburgensi, supremo gymnasiarchae etc. domino ac praeceptoris suo in aeternum venerando etc.

Orig. Nr. 78 im Bd. XVI der Sammlung der Camerarii zu München.

(Strafsburg.) 12. März 1545.

Kaspar Hedio an Melanchthon.

S. D. Ex nundinis Francofordianis Eusebius meus Germanicus cum Tripartita prodit<sup>2</sup>. Quibus historiis ego XII libros

1) Georg Werner ist Rat des Königs von Ungarn; er stand mit Melanchthon in brieflichem Verkehr. Corp. Ref. III, 233. 487.

2) Es ist das Chronicon germanicum, d. h. wahrhaftige Beschrei-

adieci, magno sane labore, utinam magna utilitate, passim conquirens ex authoribus, quos habere potui, ut hii XII libri etiam titulum haberent Historiarum Ecclesiarum. Dedicavi reverendissimo nostro Coloniensi<sup>1</sup>, et in epistola nuncupatoria consilio D. Bucerii Apologiam erga clerum Coloniensem feci. Sub finem ex prophetia Hildegardis, quae tempore Friderici primi vixit, prophetico spiritu praedita, haec apposui: Clerici Colonienses honorem et gloriam querunt sine merito et meritum sine opere.

Si Illustrissimus princeps Elector<sup>2</sup> antea Germanicum Eusebium non legit, quem ex parte verteram, iam totum habebit, et in meis XII libris sane multa, quae puto antea Teutonice non fuisse lecta. Profuit et mihi lectio tuorum utilium librorum, ubi commoneo lectorem de legendis ecclesiae doctoribus. In declamationibus inveni etiam historias dignas, quae in omnibus linguis<sup>3</sup> legantur. Incepi autem ab anno, ubi Tripartita desiit, et deduxi ordine per Caesares usque in presentem annum, huc intendens, ut Ecclesiasticas historias potissimum adferrem et reliquas obiter inmiscerem, ut lectori Germanico iudicium augesceret et quisque pro sua mensura ad Christi gloriam, patriae utilitatem referret. En<sup>4</sup> Jacobi Vuimphelingi nuper manum in libris D. Keiserspergii repperi, qua ita scripserat: Esto Jesu pius mihi licet impio, Reipublicae tamen Christianorum concordiae, sacrarum literarum et probae purioris institutionis amatori.

Hos iuvenes Alsaticos Richenwilenses<sup>5</sup> sub Illustri Comite Georgio Vuirtenbergensi tibi commendo. Item Hieronymum Bop-

---

bung aller alten christlichen Kirchen. Strafsburg 1545. Es ist die zweite Auflage der „Chronica der alten christlichen Kirchen aus Eusebio, Ruffino, Sozomeno, Theodoret, Tertulliano etc. durch D. Kaspar Hedio verteutschet“ 1530. Vgl. Himmelheber, Kaspar Hedio (Studien der evangel.-protest. Geistlichen des Großherzogtums Baden VII [1881], S. 51). Fr. X. Wegele, Geschichte d. deutschen Historiographie, S. 215.

1) Hedio war Gehilfe bei dem Reformationsversuche des Erzbischofs Hermann von Köln gewesen.

2) Kurfürst Johann Friedrich von Sachsen.

3) Wahrscheinlich verschrieben für linguis.

4) Die Worte Wimpfeling's hat Melanchthon am Rande angestrichen und die Worte hinzugefügt: Vide piam confessionem. — Über Wimpfeling und Geiler von Kaisersberg vgl. jetzt Ch. Schmidt, Histoire littéraire de l'Alsace I, 1 sqq. und 335 ff.

5) Die Überbringer dieses Briefes waren also Studenten aus dem Städtchen Reichenweyer im Elsass, das württembergisch war und gemeinsam mit Mömpelgard von Graf Georg von Württemberg (1498 bis 1558), dem Bruder des im Hauptlande regierenden Ulrich, regiert wurde. Chr. F. v. Stälin, Württemberg. Geschichte IV, p. VII und 597.

pium Argentinensem, integerrimi viri filium. Sulutant te mei, uxor Agnes, Eusebius, nunquam non memores Philippi<sup>1</sup>.

Raptim, 12 Martii 1545.

Caspar Hedio.

Adresse: Ornatissimo viro, D. Philippo Melanchthoni, meo praeceptoris charissimo.

Original nr. 55 (f. 68) in Bd. VIII der Sammlung der Camerarii zu München.

Krakau. 12. August 1546.

Andreas Tricesius<sup>2</sup> an Melanchthon.

Christum mediatorem nostrum. Literas tuas accepi, mi Philippe, una cum carminibus domini Stigellii<sup>3</sup>, quae sunt inscripta domino Castellano Cracoviensi, bona fide transmittam (abest enim nunc a Cracovia). Quod tantam humanitatem exhibes filiolo meo, habeo gratiam quam qui possum maximam studeboque omnibus obsequiis demereri. Nova haec apud nos sunt: Petrus Palatinus Valachiae non ita pridem diem suum obiit, Turcae hoc tempore arcem unam expugnaverunt versus Austriam sitam et alteram oppugnant. Locustae ex Ungaria iam ad nos penetrarunt apud Nicopolim arcem, ubi solet rex noster venationes exercere, magna damna foecerunt. Ego ab adversariis meis hoc semestri plus satis exercitus sum, sed deus, pater misericordiarum, me ex eorum faucibus eripuit per Christum dominum nostrum. Rex noster senior est commoda valetudine et iunior optime valet<sup>4</sup>. Doctor Leonardus concionator areis Cracoviensis, electus in episcopum Camonecensem<sup>5</sup>, nullis circueionibus utitur, sed sin-

1) Eusebius war der einzige von sechs Söhnen, den die Pest verschonte. Himmelheber a. a. O. S. 20 und 41.

2) Andreas Tricecz, latinisiert, Sohn des Johannes Tricesius, einflußreicher Pole in Krakau, Besitzer einer schönen Bibliothek. Vgl. Corp. Ref. 43 (15), 910.

3) Über Johann Stigel (1515—1562), einen Schüler Melanchthon's und lateinischen Dichter, vgl. C. Goettling, Vita J. St. Thuringi, Jenae 1858, wieder abgedruckt in Goettling's opusc. academica, p. 1—64.

4) Rex senior dürfte Sigismund I. von Polen (1506—1548) und iunior sein Sohn Sigismund II. (1548—1572) sein. Die gleich nachher erwähnte Regina ist dann Bona von Sforza, die zweite Gemahlin Sigismund's I. J. Herburtus, Chronica sive Historiae Polonicae, p. 365.

5) Leonard Slonezewski wurde 1546 zum Bischof von Caminiecz erwählt (gest. 27. März 1562). Cf. Gams, Series episc. s. v. Caminiecz (episcop. Camenecensis).



cere verbum annunciat et intrepide contra vicia omnium ordinum declamat. Regina bona eius partes tuetur et strenue defendit invitis ecclesiastici ordinis viris. Omnes pii hic invocant deum per Christum, ut evangelii causam non deserat foelicemque exitum principibus vestris precantur. Plura non sunt, quae scribam. Vale.

Cracovia 12 Augusto anno domini 1546.

Tuus ab animo

Andreas Tricesius.

Cum iam obsignaturus eram literas, venit ad me nuncius, qui retulit antichristum romanum nuncium Plutonis esse factum<sup>1</sup> et Cardinalem quendam per Germanos esse captum. Utinam haec vera sint.

Adresse: Clarissimo viro, domino Philippo Melanthoni, apud Wittebergam, suo.

Orig. Nr. 79 in Bd. XVI der Sammlung der Camerarii in München.

Basel. 1. Oktober 1547.

Sigismund Gelenius<sup>2</sup> an Melanchthon.

S. P. Incommode profecto ...<sup>3</sup> quoque accidit, Philippe, decus nostri seculi et praesidium, ut ... icio excusationem cogar quaerere. Ut enim taceam, quod ar... inscripsi tibi fortasse non satis conveniens, scriptoris interdum, ... (s)atyrizantis, quod eo tempore, quo nulli certam sedem relinquebat bellorum iniquitas<sup>4</sup>, quale fuit, quod nec exemplar ad te missum est. Aberam tum forte in Gallia, cum Frobenius<sup>5</sup> proficisceretur

1) Diese Nachricht war ein leeres Gerücht; der Papst Paul III. starb erst den 10. November 1549.

2) Sigismund Gelenius aus Prag (1497—1554), Mitglied des erasmischen Kreises und Korrektor in der Froben'schen Offizin zu Basel, scharfsinniger Philologe. Vgl. K. Bursian, *Gesch. d. klass. Philologie in Deutschland* (München u. Leipzig 1883) I, 152. Melanchthon hatte ihn vergeblich als Lehrer für die Nürnberger Schule zu gewinnen gesucht. Vgl. H. W. Heerwagen, *Zur Gesch. der Nürnberger Gelehrtenschulen* (Nürnberg 1860), S. 19—21. Corp. Ref. I, 720. 806.

3) An den punktierten Stellen ist die Vorlage gänzlich zerrissen.

4) Zeit des Schmalkaldischen Krieges, der auch Melanchthon aus Wittenberg vertrieben hatte. Vgl. C. Schmidt, *Ph. Melanchthon*, S. 465.

5) Der Baseler Buchdrucker Hieronymus Froben, Sohn des Johannes Froben, welcher die Frankfurter Messe besuchte. Vgl. Stockmeyer und Reber, *Beiträge zur Baseler Buchdruckergesch.* (Basel 1840), S. 115. Das Buch, von dem Gelenius hier spricht, scheint seine im Jahre 1547 erschienene Aristophanesausgabe zu sein: Aristot-

Francofordiam, is praeter spem pluribus implicitus negotiis, oblitus est unum ad te mittere nec in praesens video melius remedium, quam ut a Christophoro bibliopola accipias: ipsi in mercatu proximo reddetur aliud. Quo minus culpa in me haeret, eo magis spero alienae negligentiae veniam ab amico omnium longe humanissimo, cui aliquantum tranquillitatis redditum gratulor<sup>1</sup>, et sperare licet conquieturam brevi universam Germaniam translato bello in Italiam, ubi Germanici belli incentor praecipuus amisit filium, *κακοῦ κόρακος ὠν κάκιστον*<sup>2</sup> et nunc novam parare fertur gigantomachiam<sup>3</sup>. Sed haec melius cognosces ex aliorum literis. De meo animo constare tibi arbitror, quod is sim, qui semper, hoc est tibi addictissimus et si fortuna eo loco me esse voluit, ut nemini multum prodesse possit huius homunculi amicitia: sum tamen eroque semper ad omnia obsequia tibi paratissimas. Fruor nunc consuetudine tui Dryandri<sup>4</sup>, apud quem pene quotidiana fit tui mentio iucundissima, si non contristaret hoc flagellum, nescio an necessarium. Bene vale et rem ut hactenus gere fortiter, quando nullum tempus aequae postulavit tuam operam. Idem a te precibus contendunt heic viri docti ac pii, Myconius<sup>5</sup>, Volphangus<sup>6</sup>, Amerbachius<sup>7</sup>, Ber-

phanis Comoediae novem cum Commentariis antiquis admodum utilis, duaeque sine commentarijs, adiecto copiosissimo indice omnium cognitu dignorum. Basileae in officina Frobeniana An. MDXLVII, welche Gelenius Melanchthon dediziert hatte. Vgl. Pöckel, Philol. Schriftstellerlexikon s. v. Gelenius.

1) Melanchthon war nach Beendigung des Schmalkaldischen Krieges den 25. Juli 1547 wieder nach Wittenberg zurückgekehrt. Vgl. C. Schmidt, Ph. Melanchthon, S. 473.

2) Eine sprichwörtliche Redensart der Griechen. Vgl. Suidas und Zenobius IV, 82.

3) Den 10. September 1547 war der Herzog Pietro Luigi Farnese, der Sohn des Papstes Paul III., durch eine vom kaiserlichen Statthalter Gonzaga geleitete Verschwörung in Piacenza getötet worden. Der incentor praecipuus ist also der Papst. Ranke, Deutsche Geschichte im Zeitalter der Reformation V<sup>6</sup>, 8.

4) Über den Spanier Franciscus Dryander (eigentlich Jayme Enzinas), der wegen seiner Übersetzung der Bibel ins Spanische in Spanien in Kerker geworfen worden war, vgl. die Nachweise Corp. Ref. X, 356.

5) Oswald Myconius, eigentlich Geifshüfslers (1488—1552), Antistes von Basel. Vgl. K. R. Hagenbach, Joh. Ökolampad und Oswald Myconius, die Reformatoren Basels (Elberfeld 1859) S. 309 ff. (Tl. II in „Leben und ausgewählte Schriften der Väter und Begründer der reformierten Kirche“). R. Thommen, Gesch. der Univers. Basel (Basel 1889), S. 102.

6) Wahrscheinlich Wolfgang Wissenburgius (1496—1575), seit 1541 Nachfolger des Simon Grynäus in der Professur für das Neue Testament. Vgl. (Herzog) Athenae Rauricae (Basil. 1778), p. 72; Thommen, S. 114.

7) Über Bonifaz Amerbach, den berühmten Rechtslehrer, vgl.

nardinus <sup>1</sup>, Cellarius <sup>2</sup>, Caelius, Laelius, Castalio <sup>3</sup>, Munsterus <sup>4</sup>, Gastius <sup>5</sup>, Mutius <sup>6</sup>, ne dicam ipsa piorum respublica. His omnibus una mecum praecipuum votum est, ut incolumis diu res labantes sustineas, divinitus concessus nostro seculo ἀλεξίκακος. Cupio aliquid de Joachimo <sup>7</sup> quoque nostro cognoscere. Vale iterum cum caris omnibus.

Basiliae calendis octobribus anno salutis MDXLVII<sup>o</sup>.

Tibi addictissimus

Sig. Gelenius.

Adresse: Eximiae doctrinae ac pietatis viro domino Philippo Melanchthoni, amico suo plurimum colendo.

Orig. Nr. 98 in Bd. XVI der Sammlung der Camerarii zu München.

Basel. 9. März 1550.

Sigismund Gelenius an Melanchthon.

S. P. Ago gratias, doctissime Philippe, pro literato munere, quod me et carminis suavitate permulsit et certiore fecit de amicorum alacritatis quoque, non solum bona valetudine. Idem ἐκ τῆς μουσουργίας colligo. Fabricius <sup>8</sup> mihi iam tum, cum Argentinae degeret, innotuit Joachimi <sup>9</sup> memoria, ut tui quoque

---

die Litteratur bei Horawitz und Hartfelder, Briefwechsel des Rhenanus (Leipzig 1886), S. 5. Thommen, S. 143.

1) Der bekannte Bernardo Ochino. Vgl. Corp. Ref. 40 (12), 136 und sonst.

2) Eigentlich Martin Borrhaus, genannt Cellarius, Professor der Theologie in Basel. Vgl. Athenae Rauricae, p. 24. Ochs, Geschichte Basels VI, 385.

3) Laelius ist vielleicht Laelius Socinus. Sebastian Castello aus Chatillon (1515—1563), tüchtiger Philologe und theologischer Schriftsteller. Vgl. Athenae Rauricae, p. 354. Thommen, S. 284.

4) Der bekannte Sebastian Münster, der seit 1529 in Basel hebräisch lehrte. Thommen, S. 269.

5) Joh. Gastius aus Breisach, Prediger zu St. Martin in Basel. Vgl. Corp. Ref. 38<sup>b</sup> (10<sup>b</sup>), 50. 151 und sonst.

6) Ist Udalricus Hugobaldus, seit 1541 Lehrer der Ethik, später auch der Rhetorik an der Universität in Basel. Athenae Rauricae, p. 425.

7) Camerarius.

8) Wahrscheinlich Georg Fabricius von Chemnitz (1516—1571), Lehrer an der Thomasschule in Leipzig, war 1544—1546 in Straßburg gewesen. Vgl. F. A. Eckstein, Nomenclator philologorum (Leipzig 1871), S. 149.

9) Camerarius.

nunquam sine voluptate subit meum animum. Quoties vero et vos mei memores esse commoneor, coelum attingere mihi videor. Nam mentio nostri facta in tuis erotematis <sup>1</sup> affecit me mirifice. Ne autem vacuum remitterem nuncium, accepit ad vos perferendum quoddam Vergerii <sup>2</sup> vobis non ignoti scriptorum specimen. Is ante annum, ut audistis, opinor, Romanensium desertor in castra evangelicorum se contulit et qui ante unius Histriae fuit episcopus, nunc factus est totius pene Italiae, si rem expendamus, non inanes titulos. Fuit hic mensibus proxime praeteritis: apparet esse virum probum et relictae Babylonis *ἐχθρὸν ὁμῶς αἰδαο πύλῃσιν* <sup>3</sup>. De vestra constantia fortitudineque libenter audio, nostrates adhuc tranquillo pelago *κυβερνῶσι*, forte tutius, at vos gloriosius *ταλαντεύτω κατ' εὐδοκίαν ταῦτα ὁ κύριος*, modo meminerimus nos esse vasa figuli <sup>4</sup>. Sunt hic duo Bohemi ex tuis quondam auditoribus, quos Speratus <sup>5</sup> commendavit huic academiae. Nam Regiomonte <sup>6</sup> profugerunt ob pestis saeviciam. Eorum literas rogo cum tuis per occasionem ne graveris mittere in Borussiam ad tuos necessarios. Haec raptim vix scribere licuit per tumultuationem nobis solennem sub mercatum typographicum. Deus te diu servet incolumem, amicorum integerime.

Basiliae nona Martii anno salutis MDL<sup>o</sup>.

Tibi deditissimus

S. Gelenius.

Adresse: Clarissimo viro domino Philippo Melanchthoni, patrono suo. (Darunter von anderer, vielleicht Melanchthon's Hand: Gelenii ex Basilea.)

Orig. Nr. 99 des Bandes XVI der Sammlung der Camerarii zu München.

1) Vermutlich Melanchthon's Erotemata Dialectices, über welche Corp. Ref. XIII, 507 nachzusehen ist.

2) Über den bekannten Paul Vergerius (1498—1565), den päpstlichen Nuntius und späteren Bischof von Capo d'Istria, hat Schott die Litteratur zusammengestellt in der Theolog. Realencyklopädie s. v. Vergerius.

3) Der Vers stammt aus einer Rede des Achilleus (Il. IX, 312) und lautet vollständig: *ἐχθρὸς γάρ μοι κείνος ὁμῶς Αἰδαο πύλῃσιν*.

4) Ein wiederholt im Alten Testament vorkommender Ausdruck. Ps. 2, 9. Sir. 27, 6 und sonst.

5) Der bekannte Paul Speratus.

6) Königsberg.

Regensburg. 23. September 1554.

Martin Schalling<sup>1</sup> an Melanchthon.

S. D. Reverende vir, praeceptor observande. Cum rara sint principum exempla, qui literas magni faciunt et amant, ingens Dei benefitium est aliquos nobis hoc calamitoso tempore donari, qui caetus discentium sumptibus adjuvant. Quare praedicanda est Illustrissimi Principis D. Palatini Electoris<sup>2</sup> Liberalitas, qui hosce duos adolescentes Joannem Erber et Laurentium Weinel, intercedente Senatu Chammensi, stipendiis donatos ad Academiam mittit. Versati sunt in nostra Schola aliquot annis et cum aliis multis tum mihi quoque, postquam Scholae inspectionem mandato Senatus suscepi, utriusque diligentia et mores semper placuere. Quodsi posthac negligentiores fuerint, ipsi videant, quomodo neglecti officii rationem Deo reddituri sint. Existimo autem tuam adhortationem calcar ipsis additurum (sic), et ut id facias, reverenter peto.

Accepimus hisce diebus exemplum supplicationis alterae, quam Austriaci Ferdinando Regi obtulerunt, petentes, ne contra mandatum institutionis Christi et testimonium primae Ecclesiae et conscientiam ad unius speciei usum adigantur. Illi e contra mandatum magistratus et morem maiorum commemorant.

Rector Viennensis edicto mandavit omnibus Doctoribus, Nobilibus etc. et Gymnasii membris, ut 29 Julii intersint anniversariis exequiis Rodolphi Archiducis Austriae et Gymnasii Viennensis fundatoris.

Ibidem Hispani, qui in aula Regis sunt, cum aliis 15 die Augusti Processionem instituerunt, quam descriptam mitto, non quod dignam iudicem, quae legatur a bonis viris, sed ut videant, quomodo Sathan fascinatos detineat et ludibris habeat eos, qui veritati locum dare nolunt.

---

1) Vermutlich der Sohn des gleichnamigen Vaters, des Helfers von Butzer, über welchen die Litteratur jetzt bei Horawitz und Hartfelder, Briefwechsel des Beat. Rhenanus, S. 242. Über beide Schalling fehlt ein Artikel auch in der neuen Auflage der theolog. Realencyklopädie. Der junge Schalling ist wahrscheinlich derselbe, welcher 1578 durch den Kurfürsten von der Pfalz (als Superintendent von Amberg) zum Konvent von Schmalkalden entsendet wurde. Vierordt, Geschichte der evangelischen Kirche Badens I, 393; II, 115. 484. Er ist auch religiöser Dichter.

2) Kurfürst Friedrich II. von der Pfalz (1544—1556), der übrigens ein schwankender Anhänger der Reformation war. Vgl. Häusser, Geschichte der rhein. Pfalz I, 598. Vierordt, Geschichte der evang. Kirche Badens I, 340. Senatus Chammensis ist der Rat der Stadt Cham in der Oberpfalz, welche damals noch pfälzisch war.

Episcopus Salisburgensis nuper electus, Michael a Rymburg<sup>1</sup>, a pontifice per legatos confirmationem petiit, sed non impetravit. Affirmat enim Pontifex non licuisse Ernesto D. Bavariae, Episcopatu non consulto Pontifice renunciare nec Canonicos alium eligere potuisse non audita pontificis sententia. Huic Pontificis responso astipulantur Ferdinandus Rex et Albertus D. Bavariae, qui a Canonicis ante electionem petierant, Episcopi Passawensis rationem haberi. Sed repulsam passi sunt, ideoque indignantur et impediunt modis omnibus, ne confirmationem a Pontifice impetret. Episcopus consilii inops ex Vienna aliquot Jesuitarum ordinis homines vocavit, existimans dignitatem adeptam sic se tueri posse, si Papatum fortiter propugnet et Christum in suis membris crudelius quam prior persequatur.

In proximo mercatu Lintzensi<sup>2</sup> mandaverat rex Magistratui, ut omnium bibliopolarum libri per quatuor deputatos inquisitores inspicerentur et suspecti Viennam mitterentur. Vix tantum impetrarunt salvum ad suos redditum, data fide, suspectos libros se posthac in Austriam neque allaturos neque missuros.

Disputata sunt Ingolstadii haec themata. Cumque Amerbachius<sup>3</sup> obiecisset iniuriam fieri tibi et Luthero, quod paenitentiae viam praecluderetis resque hinc inde diu esset agitata, tandem Praeses respondit rem non esse tanti momenti, ut ad eam quaestionem diiudicandam multis verbis opus sit, posse negotium uno haustu vini facile componi arreptoque cyatho strenue bibit. Eaque erat ad haec aliaque plurima obiecta responsio.

Tabulam Dialectices, quam per Lazarum Peuschelium ad te misi, si placet, commode hoc mercatu cum tua praefatione ad me remitti poterit. Deus te diu salvum et incolumem conservet. Foeliciter vale cum tota familia.

Ratisbonae, 23. Sept. an. 1554.

Te reverenter colens discipulus

Martinus Schallingius.

1) Er hieß eigentlich Michael von Kuenburg und war Bischof von Salzburg 1554–1560 (gest. 17. November). Ernst von Bayern, der 1540 von Passau nach Salzburg transferiert worden, hatte 1554 resigniert (gest. 7. Dezember 1560). Cf. Gams, Series episcop. s. v. Salzburg.

2) Linz in Ober-Österreich.

3) Es ist Vitus Amerbach, früher Lehrer an der Schule zu Eisleben, dann an der Universität Wittenberg. Nachdem er sich mit den Reformatoren entzweit hatte, ging er von Wittenberg weg und nahm später eine Professur in Ingolstadt an und kehrte zur katholischen Kirche zurück. Vgl. Corp. Ref. I, 564. 835; V, 232. Prantl, Geschichte der Universität Ingolstadt-Landshut-München II, 489.

Adresse: Reverendo viro, eruditione et virtute praestanti D. Philippo Melanthoni, Domino ac praeceptoris suo perpetua observantia colendo. Vitebergae.

Orig. Nr. 343 (f. 458) in Bd. VIII der Sammlung der Camerarii zu München.

Königsberg. 11. Oktober 1554.

Johannes Aurifaber an Melanchthon<sup>1</sup>.

S. Clarissime domine praeceptor. Scio D. Beurlinum<sup>2</sup> omnia, quae per hosce aliquot menses hic acta sunt, et vere et sapienter coram tibi expositurum, quomodo nimirum pacificatio harum ecclesiarum tentata ac suscepta et quousque deducta sit, quae impedimenta res, quominus ex sententia conficeretur, habuerit. Ideoque a me de iisdem rebus aliquid nunc scribi supervacaneum esse iudico. Quandoquidem autem vides in te iam et D. Brentio id totum, ut sic dicam, situm, ut tandem ecclesiae Prutenicae hoc pernicioso schismate liberentur et optatam, piam et solidam pacem recuperent, quaeso te per Deum, ne deesse nobis seu potius isti ecclesiae operam tuam ulla in re patiaris.

Cupivimus quidem certe et magnopere studuimus, rem hic in praesentia D. Beurlini penitus componere et transigere, non tantum, ut tibi aliisque parceretur, sed etiam quod istam moram cum magno periculo et detrimento coniunctam esse metuimus. Et potuisse hic inter partes dissidentes de forma ex...tionis (posteaquam iudicia ecclesiarum de Osiandro adprobata sunt) deque forma doctrinae (quarum utramque a vobis nunc petitur et expectatur) convenire non dubito, ni hoc unum vel maxime obstitisset, quod D. Brentius, cuius apud principem<sup>3</sup> praecipua quaedam autoritas est, cuique nos minime aliquid derogatum cupimus, in sua Declaratione aliisque, quae subinde ad principem

1) Dieser Brief ist ein Aktenstück für die Geschichte des Osiandristischen Streites. Vgl. C. Schmidt, Ph. Melanchthon, S. 555 bis 565. — Aurifaber aus Breslau war im Mai 1554 definitiv nach Königsberg übersiedelt und bemühte sich sehr um die Beilegung der osiandristischen Streitigkeit. Derselbe ist wohl zu unterscheiden von dem Flacianer gleichen Namens. Vgl. Wagemann, Theolog. Realencyklopädie II<sup>2</sup>, 2—8, wo auch die Litteratur verzeichnet ist.

2) Der württembergische Theologe Jakob Beurlin war zur Herstellung des Friedens in der osiandristischen Streitigkeit nach Preußen geschickt worden.

3) Herzog Albrecht von Preußen, der einen sehr lebhaften Anteil an der osiandristischen Streitigkeit nahm.

privatim mittit, scriptis adeo molles et ambiguas de Osiandri dogmate dicit sententias, ut pleraeque tanquam merae adprobationes totius dogmatis Osiandrici aut certe principalis eius status ab iis, qui Osiandro addicti sunt, accipiantur eademque nobis adsidue obiiciantur et ad tedium usque decantentur. Nam haec quidem in eius Declaratione diligenter notarunt verba, sententiam quidem Osiandri de iustificatione veram esse, sed in hoc tamen ab eo peccari, quod ex Paulo ad Romanos dicta quaedam a proposito aliena ad confirmandam illam suam sententiam accommodet. Taceo nunc, quae in aliis ipsius scriptis minime isti causae commoda continentur.

Ideoque ne plura inconvenientia committenda essent, visum nobis consultius est, in tuum Brentiique iudicium denuo eam rem reici. Quodsi Brentius a te admonitus aliquanto dexterius et explicatius, quae de hoc negotio sentit aut certe sentire debet, ad principem perscripserit, id demum maximi ad perficiendam totam rem, quam agimus, momenti futurum est. Et spero non nihil in hac re etiam D. Beurlini commonefactionem apud D. Brentium valituram. Deum autem, ut hoc negotium clementer gubernet, toto pectore precor.

Quo in statu res nostrae sint, idem D. Beurlinus, si volet, referre poterit. Me apud multos in suspicionem adductum, quasi nescio cuius questus causa Osiandrizein, vehementer dolui. De tuo vero syncerissimo in me animo magnam semper spem habui, quod talibus obtrectionibus fidem non esses habiturus. Cumque ex Hessi<sup>1</sup> mei literis me hac mea spe non frustratum esse intelligerem, maiorem concepi animo laeticiam quam antea maesticiam conceperam, cum me publice in ecclesia Vitebergensi defectionis a sincera doctrina insimulatum comperi. Ignoscat illis Deus, qui talium scandalorum autores sunt. Qui et novit, quo animo semper fuerim, et quantopere defensam et illustratam simplicem veritatem voluerim, meque propterea iniustus istis verae sententiae reprehensionibus et corruptelis tum voce tum scriptis opposuerim. Neque profecto opus erat afflictionem addere afflictio, cum in tantis propter hanc causam ecclesiaeque Prutenicae utilitatem hucusque versatus sim aerumnis et subinde alias sustinendas et expectandas mihi esse videam. Angebit autem etiam nunc forsitan multorum de me suspicionem et maledicentiam, quod nunc, cum D. Beurlinus discessurus esset, me prius publice renunciari Superattendentem harum Ecclesiarum passus sum. Id enim evidentissimum illis ambitionis et avariciae execrabilis vide-

---

1) Vermutlich Johannes Hesus aus Nürnberg, der seit 1523 Geistlicher in Breslau war und auch mit Melanchthon in regem Briefwechsel stand.



bitur argumentum. Sed, mi D. praeceptor, credas hoc mihi vere adfirmanti. Ego mihi ad mactationem potius ductus quam ad honores aut opes aliquas evectus esse visus sum, cum consentire me in eam vocationem, nescio qua inevitabili propemodum necessitate, oportuit. Qua ipsa de re etiam saepe cum D. Beurlino contuli eique meam sollicitudinem et pericula exposui. Quia autem tandem in vocationem, saepe (ut D. Beurlinus novit) a me recusatam, bono et simplici animo consensi, expecto nunc auxilium a Domino. Eumque, ut mihi mediocres successus largiri dignetur, indesinenter oro.

Nunc, mi domine praeceptor, neque plura propter temporis angustiam neque alia propter singularem animi moesticiam scribere potui. Te, ut pristinum in me animum retineas nobisque misere hic laborantibus quamprimum succurras, etiam atque etiam rogo. Retribuet ea tibi Dominus et in hac vita et in aeterna. Bene et feliciter vale. Salutem ex animo precor totius tuae familiae et omnibus collegis.

Regiomonte 11 Octobris anno 1554.

Johannes Aurifaber.

Adresse: Clarissimo viro, D. Philippo Melanthoni, praeceptoris suo carissimo.

Orig. Nr. 142 (fol. 207) in Bd. VIII der Sammlung der Camerarii zu München.

(Nordhausen). Zwischen 1554 und 1564.

Andreas Fabricius<sup>1</sup> an Melanchthon.

Salutem a Christo. Post gravem ac diuturnam febrim, confirmata valetudine Dei beneficio, ad studia intermissa iampridem redeo: quod autem rarius et brevius scribo ad optime de me meritum, non id oblivione maximorum in me beneficiorum fit. Quomodo enim obliviscerer absque scelere summae erga me benevolentiae vestrae? Ego autem si gratitudinem literis non declaravi, precibus certe piis pro vestra incolumitate et salute declaro talem, qualem Northusae multi non exhibent, qui se

---

1) Andreas Fabricius, der Bruder des berühmten Georg Fabricius, war zuerst Rektor und dann (seit 1564) Prediger in Nordhausen und dann in Eisleben. Corp. Ref. IX, 163 steht ein Brief Melanchthon's an ihn, worin er ihm Glück zu seiner Eheschließung wünscht. 1554 hatte er ihn glänzend nach Nordhausen empfohlen. Corp. Ref. VIII, 264 Da er 1564 Pastor zu St. Petri in Nordhausen wurde und die Schule aufgab, so fällt dieser Brief zwischen 1554 und 1564.

existimationis Philippicae defensores perhiberi volunt et auctoritate praeceptoris ad suam impietatem abutuntur. De Ant. Ottone <sup>1</sup> quid scribam? ad cuius vel mentionem scio quantopere commoveamini. Iussu scholarcharum epistolam Paulinam meis interpretatur. A me quaesitum est, cur hoc hactenus impedierim? Sed non impediam, quod impedire non debeo eoque magis, cum audiam cum admiratione, quam Legis divinae usum Apostolicum urgeat et demonstret fidem accipere a Christo ad salutem omnia, et quam fidei fructus ad testificationem acceptae salutis, ad Dei honorem proximique utilitatem accomodet. Adhibuit quaedam Lutheri de lege ἀξιώματα, non antinomica petulantia, sed provocatus ab antagonista, legem quoque divinam ad salutem necessariam clamante. Haec coram ipso Filio Dei testificabor. Inculco pietatem et literas meae fidei commissis, interdum loco exercitii habeo conciones publicas, si me forte dominus improviso extrudat in messem suam. Valet in Christo felicissime.

Andreas Fabricius.

Adresse: Clarissimo viro pietate, eruditione et sapientia praestanti D. Philippo Melanthoni, praeceptoris suo summa observantia perpetuo colendo.

Aus Bd. XVIII (Nr. 263) der Camerarius - Sammlung zu München.

(Nürnberg.) 18. April 1556.

Moritz Heiling <sup>2</sup> an Melanchthon.

S. Reverende et clarissime d. praeceptor, patrone observande. Ante biduum Andreae tabellario literas ad vos perferendas dedi, nunc has subiungere iussus sum. Venit enim ad me optimus vir, M. Leonhartus Pfaler, huius templi diaconus, hunc adolescentem Cristophorum Burer, senatoris in Weisenberg <sup>3</sup> filium adducens, et nomine parentis amanter a me petivit, ut vobis eum commendem. Cumque ostenderet eum propter ingenium, erudi-

<sup>1</sup>) Antonius Otto (auch Otho) war Prediger in Nordhausen und Melanchthon abgeneigt. Corp. Ref. VIII, 460. Mehrere Briefe von ihm an Jonas bei G. Kawerau, Der Briefwechsel des Justus Jonas (Halle 1884 und 1885) I, 300; II, 261. 262. 265. 266. 272. 275—279. 288. 289. 299—304.

<sup>2</sup>) Jedenfalls identisch mit dem Mauricius Helingus aus Friedland in Preußen, welchen Melanchthon 1555 nach Nürnberg empfohlen hatte. Vgl. Corp. Ref. X, 370.

<sup>3</sup>) Wahrscheinlich ist das Weisenburg im Sande oder im Nordgau, bayer. Kreis Mittelfranken.

tionem et mores dignum esse honesto testimonio, nolui officium meum homini mihi amicissimo pro amico intercedente denegare. Versatus est antea quoque isthic, inde in patriam recurrens fuit in officio paedagogico integrum triennium et cantoris munus sedulo obivit. Visum est autem parēnti consultius fore suis studiis ad vos migrare quam in illa conditione longius delitescere. Post copiosorem in studiis profectum fortassis ad aliquod ministerium scholasticum se iterum conferet. Hac in re vestra opera indiget. Amanter igitur a vobis peto, ut hunc adolescentem amore amplecti, et si modo locus vacabit, in numerum vestrorum convictorum recipere dignemini. Adferet etiam literas a domino Paumgartnero<sup>1</sup>, quae cum sine meis adiunctis satis magnum pondus habiturae sint, nolui tamen honesta a me petentibus reluctari. Bene valete.

18 Aprilis an. 56.

Mauricius Heiling.

Adresse: Reverendo et clarissimo viro, pietate, virtute et eruditione praestanti d. Philippo Melanthoni, domino et praeceptori suo colendo.

Orig. nr. 314 (f. 422) in Bd. VIII der Sammlung der Camerarii zu München.

Frankfurt a. M. 17. Sep. 1556.

Justus Velsius an Melanchthon.

S. P. Mitto tibi, vir amicissime, Apologiae nostrae exemplar, simul autem et copiam literarum, quas Domino Calvino, cum huc venisset<sup>2</sup>, cum subiectis propositionibus misi, quibus etiam adiunctae sunt tres nostris adversantes, non satis perite ab ipsis domini Horni Anglicanae ecclesiae pastoris opera extractas propositiones, quod sic inter nos convenisset, ut, quas ex nostris non probarent, iis contradictorias suas opponerent. Quomodo et quid utrinque sit disputatum, Deo volente non ita multo post publice bona fide evulgabo, ex quibus improbitas et impietas sophisticorhetoris Calvini, a Lasco et Horni τῶν κατὰ φύσιν τὴν διεφθαρμένην ἔτι βιούντων, ὃ τοῦ οὐδέπω πεπιστευκότος εἶναι φησὶ Ἰουστίνως, omnibus ad Dei et veritatis gloriam et falsitatis

1) Wahrscheinlich der bekannte Hieronymus Baumgartner, Rats-herr in Nürnberg, Freund und Korrespondent Melanchthon's. Corp. Ref. X, 337.

2) Über diesen Aufenthalt Calvin's in Frankfurt a. M. vgl. jetzt die Annales Vitae Calv. Corp. Ref. 49, 647.

demolitionem, orisque loquentis mendacium obstructionem, conspicua evadet. Neque enim minus antichristianos sophistas hos esse, quam aut Gropperum aut Billikium existimo, ut qui, quae menti et sensui sunt evidētia, impudenter negent, scripturae apertos locos falsis et contortis explicationibus adulterent, ac sic cum ipsis omnem recte disserendi rationem prorsus praecidant. Caeterum in quo errent, liberum arbitrium funditus e medio ac proinde humanam naturam tollentes, omniaque ac Deum adeo ipsum immutabili et necessitati et plus quam fato Stoico subiicientes, quod nimirum in non minimo nostrae religionis, sed et omnis probitatis quasi fundamento, in quo aliquid certe est mentis et rationis facile perspexerit, ne levem quis aut contemendam huiusmodi controversiam existimet. Et tamen, si Deo placet, ob haec eorum *παράδοξα* homines excommunicantur et exulatum a finibus his et latronibus non per ianuam in ovile ingressis, sed aliunde conscendentibus mittuntur, idque post unum aut alterum statim, subdolum et captiosum cum ipsis habitum colloquium, ut manifeste hos ex eorum numero esse constet, de quibus in Actis inquit Paulus <sup>1</sup>: Ego enim novi hoc, quod ingressuri sint post discessum meum lupi graves in vos, non parcetes gregi, et ex vobis ipsis exorientur viri loquentes perversa, ut abducant discipulos post se, *ὑπὲρ τοῦ νεωτέρων τινὰ αἴρεσιν συστήσαντος*. Haec ad te nunc scribere, vir piissime, visum est, ut quid hic actum sit, breviter intelligas, et *συναγωνίζεῖν κακοπαθοῦντι τῷ εὐαγγελίῳ* strenue pergas. Vale, frater in Christo charissime, et nos, ut facis, in Christo complecti pergito.

Francoforti ad Menum 15<sup>o</sup> Cal. Octob. anno 1556.

Tui amantissimus

Justus Velsius.

Adresse: Clarissimo doctissimoque viro, domino Philippo Melanchthoni, in Academia Wittenbergensi professori primario, domino et amico suo, Wittenbergae.

Orig. nr. 279 (f. 374) in Bd. VIII der Sammlung der Camerarii zu München.

Nockau. 11. August 1557.

Alexander Alesius <sup>2</sup> an Melanchthon.

S. D. Quod foelix faustumque sit. Dilectissima filia mea Anna, cui nomen in baptismo indidit bonae memoriae primogenita

1) Apg. 20, 29. 30.

2) Über den Schotten Alex. Alesius (1500—1563), der ein An-

vestra <sup>1</sup>, desponsata est honesto iuveni Martino Luxsolario, nam solem etiam pro insigni habet, doctoris Martini filio, petente id sua matre per cognatos et affines, et suadentibus communibus amicis nostris. Dictus est autem dies nuptiarum ultimus Augusti, circa quod tempus vos ad colloquium <sup>2</sup> profecturum (sic) spero. Peto igitur reverenter et amanter, ut una cum honestissima coniuge vestra, genero, filia ac nepte nuptias vestra praesentia ornare velit. Existimo autem magistrum Paulum <sup>3</sup>, amanuensem vestrum, una venturum, sed tamen ut eum cum uxore invitetis meis verbis ad nuptias oro. Scitis autem summum sacerdotem et pontificem nostrum filium dei, qui primos parentes in paradyso copulavit, et non minore magnificentia quam sapientia et potencia suam ordinationem contra sophistica et tyrannidem diaboli et multiplicem ingratitude nostram defendit, ut totam actionem, ita etiam invitationem hospitum et communia officia sua presentia et primo miraculo comprobasse ac monstrasse, quantum dilectetur (sic) istis congressibus. Nos autem parentes et amici, sponsi et sponsae, una cum eis pro hoc officio et molestia profectionis gratitudinem pollicemur per omnem occasionem.

Ex pago Nockau <sup>4</sup> postridie Laurentii 1557.

Alexander Alesius.

Adresse: Clarissimo et ornatissimo viro, d. Philippo Melanthoni, suo praeceptoris carissimo.

Orig. Nr. 139 (f. 203) in Bd. VIII der Sammlung der Camerarii zu München.

hänger der deutschen Reformatoren geworden war, vgl. die Litteratur Corp. Ref. X, 332.

1) Über Melanchthon's Lieblingstochter Anna, die Frau des Sabinus, vgl. Muther, Anna Sabinus (Aus dem Universitäts- und Gelehrtenleben im Zeitalter der Reformation, S. 329—367).

2) In Worms. Vgl. C. Schmidt, Melanchthon, S. 603.

3) Wahrscheinlich der bekannte Paul Eber.

4) Ein Nockau konnte ich nicht finden. Sollte es vielleicht Rockau heißen. Ein solches giebt es bei Dresden und ein anderes in Sachsen-Weimar, nördl. von Bürgel.